

**Meeqqat 18-inik ukioqalernissami tungaanut pisortat ingerlataannik angalatitsiviit aqqutigalugit angalasussaattillutik meeqqatut akeqalernissaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffisassatut siunnersuut. Misissuineq meeqqat akikinnermik angalasarnerannut malittarisassat allangortinnissaannik tunngaviliissaaq, kingusinnerpaammilu UPA2025-mi inatsisartunut saqqummiunneqassalluni.**

*Inatsisartunut ilaasortamit Jens Napātôk', Naleraq, saqqummiunneqarpoq*

**pillugu**

**Sanaartornermut Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Juliane Enoksen, Inuit Ataqatigiit, siulittaasoq  
Inatsisartunut ilaasortaq Jens Napātôk', Naleraq, siulittaasup tullia  
Inatsisartunut ilaasortaq Adam Kristensen, Inuit Ataqatigiit  
Inatsisartunut ilaasortaq Jens Kristian Therkelsen, Siumut  
Inatsisartunut ilaasortaq Lars Poulsen, Siumut

Ataatsimiititaliap UKA2024-mi 17. oktober siullermeerinninnerup kingorna siunnersuut misissuataarpaa.

**Siunnersuutip imarisai siunertaalu**

Siunnersuutikkut Naalakkersuisut peqquneqassapput meeqqat 18-it tikillugit ukiullit angalasut angalatitseqatigiiffiit pisortanit pigineqartut, soorlu Air Greenland aamma Arctic Umiaq Line, aqqutigalugit angalagaangata meeqqatut akeqalissappata aningaasatigut kingunerisassai misissoqqullugit. Misissuineq meeqqat akikillisaavigineqartarnerannut malittarisassat allangortinneqarnissaanut tunngavissiissaaq kingusinnerpaamillu UKA2025-mi Inatsisartunut saqqummiunneqassalluni.

**Siunnersuutip Inatsisartuni siullermeerneqarnera**

Siunnersuutip siullermeerneqarnerani siunnersuuteqartup aalajangiiffigisassatut siunnersuutaata siunertaa ilalernerqarluppoq.

Partiit tamarmik nassuerutigaaq nunatta iluani angalaniarneq akisuujusoq, oqaatigineqarlunilu Nuummi, Ilulissani Qaqortumilu mittarfiit nutaat naammassineqariarpata angallannikkut aaqqissuussaaneq nutaaq takkukkumaartoq.

Siullermeerinninnermi taamatutaaq oqallisigineqarpoq pisortat angallasseqatigiiffii atorlugit angalagaanni naalungiarsuit akeqartinneqartarnerat pissusissamisoornersoq.

Naalackersuisut allannguutissatut siunnersuuteqarput imatut oqaasertalimmik:

*”Ilaasut kiffartuussinermut isumaqatigiissuteqarfiusunut ilaallutik angalasartut 18-it tikillugit ukiullit meeqqatut akikillisaaffigineqartarnerisa aningaasaqarnikkut kingunerisassai pillugit Naalackersuisut misissuinissamut peqquneqarnissaannut Inatsisartut aalajangiiffigisassaattut siunnersuut. Misissuineq meeqqanut akikillisaatit pillugit oqallinnissamut tunngaviliissaaq, aammalu UPA2025-mi Inatsisartunut saqqummiunneqassalluni.”*

Atassut aamma tulliuttunik allannguutissatut siunnersuuteqarpoq:

*”Pisortat angallannikkut suliffeqarfiutaanni inuusuttuaqqat 13-ileereersimasut meeqqatut angalaniarnermi nalunaarsorunnaareerneranni billetsisa inersimasutut nalunaarsorneqaratik ”inuusuttuaraq / teenager” ikkunneqarsinnaanissaannut qanoq akeqassaneraniq naalackersuisut nalunaarusiussasut, Naalackersuisut peqquneqarnissaannik Inatsisartut aalajangiiffigisassaattut siunnersuut. Nalunaarummi meeqqatut akikilliliisarneq atunngikkaluarlugit inuusuttuaranngortut 18-iliinissaasa tungaanut qanoq akikillisaatsigineqarsinnaanerata qanorlu naleqassanera misissorneqareernerani UPA 2025 nallertinnagu agguanneqassasoq”.*

Oqallinnerit tunngavigalugit siunnersuut ataatsimiititaliamut suliarineqartussanngortinneqarpoq.

**Siunnersuutip aningaasatigut kingunerisassai**

Inatsisartut Suleriaasianni § 33, imm. 1-imi aalajangersarneqarpoq aalajangiiffigisassatut siunnersuutip timitalerneqarnerata aningaasatigut allaffissornikkullu kingunerisassai siunnersuummut tunngavilersuutini allaaserineqarsimassasut.

Ataatsimiititaliap maluginiarpaa tamanna naapertorlugu siunnersuutip timitalerneqarnerata aningaasatigut kingunerisassai siunnersuummi oqaatigineqarmata. Taamaalilluni misissuinerup aningaasatigut kingunerisassaasa ilinniagartuutut fuldmægtigip ukiumut

akissarsiaasa affaanit 250.000 kr.-inut naapertuuttunit amerlanerungninnissaat naatsorsuutigineqarpoq.

### **Ataatsimiititaliap siunnersuummik suliarinninnera**


Ataatsimiititaliap maluginiarpaa Naalakkersuisut allannguutissatut siunnersuutaata akuersissutigineqarnera misissuinerup siunertaanik Naalakkersuisut ilaliinerannik malitseqassasoq, tamatumalu saniatigut misissuinermi qitiutinneqartussat annertusineqassallutik, kiffartuussinissamik isumaqatigiissutit tunngavigalugit angallassisartut tamaasa ilanngunneqartussanngorlugit.

Atassutip allannguutissatut siunnersuutaata malitsigissavaa Naalakkersuisut peqquneqassammata inuusuttuaqqanut akikillisaasoqarsinnaanerannik misissueqqullugit, misissuinernullu ilaatinneqassallutik akikillisaaneq qanoq annertutigissanersoq qanorlu aningaasalersorneqassanersoq. Misissuineq UPA2025 nallertinnagu naammassereersimassaaq.

### **Ataatsimiititaliap inassuteqaatai**

- Ataatsimiititaliap isumaqatigiittup Naalakkersuisut allannguutissatut siunnersuutaat akuerineqassasoq inassutigaat

Taamatut oqaaseqaateqarluni isumaliutissiisumilu oqaatigineqartutut paasinnillu ataatsimiititaliap siunnersuut aappassaaniigassanngortippaa.



Jens Napātök?  
Siulittaasup tullia



Jens Kristian Therkelsen

---

Juliane Enoksen  
Siulittaasoq

---

Adam Kristensen



---

Lars Poulsen